

## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. V. Tertia difficultas, quæ est de ignorantia concomitanti, elucidatur

---

[urn:nbn:de:hbz:466:1-77355](#)

tum precedit motum voluntatis ad aliquid agendum, quod non est scientia praesente. Et probatur exemplo supra adducto: Nam in casu quo quis non facta sufficienti diligentia, dum putat se feram occidere, occidit amicum, illa ignorantia est consequens, siquidem est voluntaria per negligentiam; & tamen removet scientiam praesentiam amici, quae si adesset, nullo modo jaceret sagittam, nec illum interficeret: Ergo ignorantia consequens removet scientiam, quae si adesset, non faceret homo quod facit per ignorantiam. Consequentia vero probatur: Non alià ratione ignorantia antecedens causat involuntarium simpliciter, nisi quia removet scientiam, quae si adesset, homo non faceret id quod facit ex ignorantia: Ergo si eodem modo se habet ignorantia subsequens, eodem modo causat involuntarium.

**136.** Respondeo concessio Antecedenti, negando Consequentiam. Ad cuius probationem, nego Antecedens: non enim ideo solùm ignorantia antecedens causat involuntarium simpliciter, quia privat scientiam, quae si adesset, impediret id quod fit ex ignorantia; cum haec ratio communis sit utrique ignorantiae, antecedenti scilicet & consequenti, ut argumentum convincit; sed etiam quia ignorantia antecedens, non est voluntaria formaliter aut virtualiter, nec supponit aliquem actum voluntatis, in quo sit volita tanquam in causa: unde cum ignorantia consequens sit voluntaria formaliter aut virtualiter, utpote supponens actum voluntatis, in quo tanquam in causa continetur; licet excludat scientiam, quae si adesset impediret actum, causat tamen voluntarium simpliciter, & involuntarium solùm secundum quid.

**137.** Obiecies secundò contra secundam partem conclusionis: Tota ratio quare ignorantia consequens causat involuntarium secundum quid, est quia operans ita est effectus, ut si haberet scientiam non operaretur effectum: Sed hoc non sufficit ut effectus censeatur involuntarius secundum quid: Ergo ignorantia consequens non causat involuntarium secundum quid. Major patet ex supra dictis, Minor probatur. Quod operans cum ignorantia concomitante sit ita affectus, ut etiam praesente scientia libentius produceret effectum, non sufficit ut talis effectus producatur voluntarius secundum quid, ut patebit ex dicendis conclusione sequenti: Ergo ejus opusitum non sufficit ad involuntarium secundum quid.

**138.** Respondeo concessa Majori, negando Minorem. Ad probationem, concessò Antecedente, nego Consequentiam. Ratio disparitatis est, quia ad rationem voluntarij requiritur cognitionis, quae quia deest operanti cum ignorantia concomitante, non potest effectus produktus cum tali ignorantia esse voluntarius, quamvis operans ita sit habitualiter affectus, ut etiam praesente scientia libentius produceret effectum: ad rationem autem involuntarij, non est necesse adesse cognitionem, sed sufficit quod effectus sit contra propensionem & inclinationem saltem habitualem, quae tunc sit, cum producitur effectus.

S. V.

Tertia difficultas, qua est de ignorantia concomitanti, elucidatur.

**D**ico tertio: Ignorantia concomitans neque causat voluntarium, neque involuntarium, sed non voluntarium. Est etiam Divi Thomae loco citato.

Probatur prima pars: Cum sit de ratione voluntarij fieri cum cognitione illius in quod tendit, ut ex ejus definitione habetur, repugnat ut aliquis voluntariè tendat in illud quod ipsi omnino ignotum est: Sed quod procedit ex ignorantia concomitanti, est omnino incognitum; mors enim inimici v.g. facta à venatore, dum adhibita sufficie diligentia putavit esse feram, omnino ignota est: Ergo quod procedit ex ignorantia concomitanti, non est voluntarium.

Dices: Facta ex ignorantia consequenti sunt voluntaria simpliciter, ut supra ostendimus, & tamen procedunt ex ignorantia: Ergo falsum est quod ut aliquid sit voluntarium, debeat esse cognitum.

Respondeo distinguendo Antecedens: & tamen procedunt ex ignorantia, ut opponitur cognitioni formali & in se, concedo: ut opponitur cognitioni virtuali & in causa, nego: licet enim facta ex ignorantia consequenti, non sint in se & directè cognita, virtualiter tamen & indirectè sunt cognita in causa, & haec virtualis cognitionis, seu voluntaria carentia cognitionis debita, sufficiens est ad causandum simpliciter voluntarium. Quae vero fiunt ex ignorantia concomitanti, nullam omnino supponunt cognitionem effectus ignorati; id est, non solùm formale, sed neque virtuale, seu voluntatem ignorandi; quia nunquam contingit ignorantia concomitans, nisi quando facta est sufficiens diligentia.

Probatur secundò eadem pars: Si effectus ex ignorantia concomitanti factus, esset voluntarius, id deberet provenire ex illa voluntate præsupposita ex parte subjecti, quâ talem effectum libentius voluisse, si illum cognovisset: Sed talis voluntas non potest tribuere illi effectui rationem voluntarij: Ergo effectus ex ignorantia concomitanti factus, voluntarius non est. Major patet: nihil enim aliud imaginari potest, à quo in tali effectu derivetur ratio voluntarij, quam illa voluntas. Minor vero probatur: nam voluntas illa non imperat talem actum: v.g. cum aliquis emitit sagittam, & interficit hostem, putans se occidere feram; emissio sagittæ non imperatur à voluntate occidendi hostem, cum existimat ibi non adesse, sed à voluntate venandi & occidendi feram, quam putat ibi latere: Ergo non potest effectus, ignorantia concomitanti factus, esse voluntarius ex voluntate præsupposita.

Quod etiam non sit involuntarius positivè, ut habet secunda pars conclusionis, patet: Tum quia non repugnat inclinationi voluntatis, imò vero voluntas ita affecta est, ut si sciret, libentius operaretur: Tum etiam, quia cum demum adest scientia contraria, v.g. cum venator, putans occidere feram, invenit se occidisse inimicum, non dolet, imò potius gaudet: Ergo talis effectus, neque est voluntarius, neque involuntarius, sed solùm non voluntarius.

## DE VOLUNTARIO ET INVOLUNTARIO.

112

- Observandum tamen, in hoc casu duo esse  
143. distinguenda; primum est emissio sagittæ, vel  
occisio animalis secundum substantiam; alterum  
est occisio inimici, in quantum hujusmodi  
formaliter: primum est omnino voluntarium,  
sicut est de facto cognitum; secundum verò non  
est voluntarium, quia non est cognitum; con-  
gnoctit enim emitens sagittam se occidere ani-  
mal, sed ignorat hoc animal esse hominem, &  
habet suum.
- Dices, adesse simul cum intentione feram oc-  
cidendi, habitualem voluntatem, seu inclina-  
tionem occidendi inimicum, à qua occisio ini-  
mici sub specie feræ, potest dici voluntaria.
- Sed contra: Voluntas seu inclinatione habitua-  
lis non sufficit ad causandum seu denominan-  
dum voluntarium in actu, sed tantum in po-  
tentia: Ergo à voluntate seu inclinatione habitua-  
li occidendi inimicum, non potest talis occi-  
sio, vel quæcumque alia actio, dici voluntar-  
ia. Præsertim, quia si voluntas habitualis  
sufficeret ad tribuendam malitiam, & ratio-  
nem voluntarij in actu, non solum illa actio,  
quæ de facto inimicus sub specie feræ occidit,  
sed omnes aliae, quotquot ab illo homine exer-  
cerentur, essent actu voluntariae, & haberent  
prædictam malitiam, ex vi talis voluntatis; quia  
non est minor conjunctio hujusmodi actionum  
ad illam habitualem voluntatem, quam prædi-  
cta occisionis; neque est major ratio cur potius  
in istam quam in illas influat talis voluntas. Ex  
quo inferes, quod licet cum intentione occidendi  
feram esset simul volitus actualis occidendi ini-  
micum, non idem hæc volitus conferret illi ma-  
litiam, nec occisionem illum actu volitam de-  
nominet; quia scilicet non imperaret illum,  
sed merè per accidens & concomitanter ad illum  
se haberet. Idem dicendum, si quis cum igno-  
rantia invincibili latenter inimici mitteret sagit-  
tam, cō animo ut se exerceret ad occidendum  
postea inimicum, vel optando illum adesse ibi,  
vel feram quasi ejus statuam cogitando, vel  
hunc actu elicendo: si forem ibi latere inimicum,  
illum occiderem: quia animus illius non est  
occidere ibi & tunc inimicum, quem abesse  
putat, sed duntaxat cedere feram, quasi ejus  
statuam, vel exerceri ad illum alio tempore  
transfigendum.
- Dices: Volitus conditionata sufficit ad deno-  
minandum aliquem actu vel effectum volun-  
tarium secundum quid: Ergo ab isto actu con-  
ditionato: Si forem ibi latere inimicum, illum  
occiderem, potest occisio inimici sub specie fe-  
ræ, dici voluntaria secundum quid.
- Respondeo, volitionem conditionata suffi-  
cient ut aliiquid denominetur voluntarium secun-  
dum quid, quando adest illius cognitio, secūs  
autem, si sit ignorantia illius; quia repugnat  
quod aliquis voluntarij tendat, etiam sub con-  
ditione, in illud quod omnino ignorat: unde  
cum venator, dum elicit prædictum actu conditionatum, ignoret ibi latere inimicum, occi-  
sio inimici sub specie feræ, à volitione illa  
conditionata nequit esse voluntaria.
- DISPUTATIO II.
- De Voluntario libero.*
- Q**VIA inter species voluntarij non in-  
fimam locum tenet liberum, illudque  
est radix & fundamentum moralitatis  
actuum humanorum, hanc disputationem pre-  
cedenti adjungimus, ut existentiam & natu-  
ram libertatis declaremus, priusquam de acti-  
bus humanis, corumque moralitate, disseramus.

S. VI.

*Solvuntur argumenta in contrarium.*

146. **O**BIICIES primò contra istam conclusio-  
nem: Respectu subjecti apti non datur me-  
dium inter formam & privationem; leo enim

A v. g. necessariò est videns vel cœcus: Sed actus  
humanus est subjectum aptum respectu volunta-  
rij & involuntarij: Ergo omnis actus humanus  
debet esse voluntarius vel involuntarius; & per  
consequens actus ex ignorantia concomitante  
proveniens, non potest esse non voluntarius, sed  
necessariò debet esse voluntarius aut involunta-  
rius privativè.

Respondeo, concessâ Majori, distinguendo 147.

Minorem: Actus humanus, cui adest scientia,  
est subjectum aptum respectu voluntarij & in-  
voluntarij, concedo Minorem: cui deest scientia:  
nego Minorem: Actus autem ex ignorantia  
concomitante procedenti deest scientia, & idem  
non convenit illi quod sit voluntarius vel in-  
voluntarius, sed solum quod sit non voluntarius:  
sicut lapidi, quia non est subjectum aptum ad  
visum, non convenit esse videntem vel cœcum,  
sed solum non videntem.

Objicies secundò: Intantum ignorantia causat 148.  
effectum, in quantum removet scientiam, quæ  
si adesset, impediret effectum: Sed ignorantia  
concomitans non removet scientiam quæ im-  
pediret effectum, in modo petiùs, si adesset talis  
scientia, libenter produceretur effectus, ut  
patet ex dictis; siquidem si ignorans sciret ibi  
esse inimicum, libenter ipsum occideret: Er-  
go ignorantia concomitans nullo modo causat  
hunc effectum.

Respondeo, ignorantiam concomitantem non 149.

esse causam effectus secundum entitatem vel  
substantiam, aut secundum aliiquid positivum;  
sed tantum secundum aliiquid pure negativum;  
scilicet quantum ad rationem non voluntarij in  
eo inclusum: quare si adesset scientia, produ-  
ceretur idem effectus, quantum ad entitatem &  
substantiam, v. g. eadem emissio sagittæ & oc-  
cisio hominis; non tamen quantum ad rationem  
non voluntarij, siquidem esset tunc omnino  
voluntarius: hunc ergo effectum negativum,  
seu rationem illum non voluntarij, impediret  
scientia, si adesset. Unde in forma respondeo,  
concessâ Majori, distinguendo Minorem: sci-  
entia, quam removet ignorantia concomitans,  
non impediret effectum, quantum ad substantiam,  
concedo: quantum ad rationem non vo-  
luntarij, nego.

